

**ՀԱՅԿԱԿԱՆ ԹԱԳԱՎՈՐՈՒԹՅԱՆ ՎԵՐԱԿԱՆԳՆՄԱՆ ՀԱՐՑԸ
ՀՈՎՍԵՓ ԱՐԴՈՒԹՅԱՆԻ ՕՐԱԳՐՈՒԹՅՈՒՆՆԵՐՈՒՄ
ԵՎ ՆԱՄԱԿՆԵՐՈՒՄ**

Ս. Գ. ՂՈՒԿԱՍՅԱՆ

Հայ ազատագրական շարժման նշանավոր գործիչ Հովսեփ Արղությանի օրագրությունները և նամակները XVIII դարի 80—90-ական թթ. հայ-ռուսական հարաբերությունների պատմության կարևորագույն աղբյուր են, որում արտացոլվել է նաև Ռուսաստանի օգնությամբ հայկական թագավորության վերականգնման հարցը:

1780-ական թթ. աշխուժացան հայ-ռուսական քաղաքական հարաբերությունները¹։ Դա պայմանավորված էր Ռուսաստանի արտաքին քաղաքական ծրագրերում (հատկապես Անդրկովկասում նրա ակտիվացմանը զուգընթաց) հայերին և Հայաստանին հատկացված դերով և Ռուսաստանի օգնությամբ թուրք-իրանական տիրապետությունից ազատագրվելու հայ ժողովրդի ձգտմամբ: Ժամանակի ամենաաչքի բնկնող պետական գործիչ Գ. Ա. Պոտյոմկինը որոշակի հետաքրքրություն հանդես բերեց Հայաստանի և հայերի նկատմամբ: Դրանից ոգևորված հայ գործիչները, առանձնապես Հ. Արղությանը, սկսեցին ջանքեր գործադրել Հայաստանն ազատագրելու և հայկական պետականությունը վերականգնելու ուղղությամբ:

Արղությանի օրագրություններից հայտնի է դառնում, որ 1780 թ. հունվարի 1-ին Արղությանին այցելել է ռուսական բանակի գնդապետ Ի. Վ. Գոբիչը և հայտնելով, «զգնալն իւրեանց ի վերայ պարսից առ ի տիրել զծովե-զերեայ տեղիսն», մանրամասն հարց ու փորձ է արել տարածաշրջանի վերաբերյալ²: Հասկանալի է, որ ռուս գործիչները տեղեկություններ էին ստանում նաև այլ աղբյուրներից: Այդ տեսակետից Արղությանին դիմելը լրացուցիչ տվյալներ ստանալու նպատակ էր հետապնդում և պայմանավորված էր Արղությանի լավատեղյակությամբ և վստահելի լինելով: Այսպես, հունվարի 2-ին Հովհաննես Լազարյանի հետ Արղությանին է այցելում Ա. Վ. Սուվորովը և ավելի մանրամասնորեն հետաքրքրվում Հայաստանի կացությամբ, հուսադրելով, որ իրենք Հայաստանում «իշխանություն են նորոգելու»³: Իսկ հաջորդ օրը Լազարյանին և Արղությանին իր մոտ է հրավիրում իշխան Գ. Պոտյոմկինը, որի հետ Արղությանը կապեր էր հաստատել դեռևս Ղրիմի հայ բնակչության Ռուսաստան գաղթեցման առիթով⁴: Ահա թե ինչ է պատմում Արղությանը Պոտյոմկինի հետ ունեցած հանդիպման մասին իր օրագրությունում, որը այս և վերոհիշյալ հանդիպումների վերաբերյալ միակ աղբյուրն է.

¹ См. А. Р. Иосифеян. Россия и армянское освободительное движение в 80-х годах XVIII столетия. Ереван, 1947; М. Г. Нерсисян. Из истории русско-армянских отношений. Книга первая. Ереван, 1956; Армяно-русские отношения в XVIII веке (1760—1800 гг.). Сборник документов, т. IV (այսուհետև՝ Армяно-русские отношения, IV), Ереван, 1990, с. 5—13.

² См. Армяно-русские отношения, IV, с. 152.

³ Նույն տեղում, էջ 152—153:

⁴ Պոտյոմկինի և Սուվորովի բարյացակամ վերաբերմունքի շնորհիվ Արղությանին հաջողվեց մեղմացնել հայ գաղթականների ծանր վիճակը և մի շարք արտոնություններ ստանալ նրանց համար: Մանրամասն տե՛ս М. Г. Нерсисян. Указ. соч., с. 15, 16, 37—42.

«Ի միասին գնացաք առ նա և բազում ինչ խօսեցաք վասն այցելութեան ազգիս մերոյ և աշխարհին, և ինքն յետ բազում հարցաքննութեանցն զկացութենէ ազգին մերոյ և սրբոյ Աթոռոյն և զկաթողիկոսէն. և մեր թախանձեւն նորոգել ի մեզ զմասնաւոր տէրութիւն ի մեծի Հայաստան ի քաղաքն Երևան, պատասխանեաց, թէ կարելի է, բայց պիտոյ է պատրիարզն ձեր քանհօք իշխանօք խնդիր ի գործ ածիցեն վասն փրկութեան ձերոյ, որ մեք այնու ի յօգնութիւն ձեզ եկեսցուք... հրամայեաց և աղայ Յովհաննէսին գրել ի Զուղայ էմին աղային, որ եկեսցէ...»⁵:

Այսպիսով, հայկական պետութիւնը վերականգնելու խնդրանքին Պոտլոմէոսը պատասխանել է, թե «կարելի է», ավելացնելով, որ կաթողիկոսը և իշխանները նման խնդրանքով պետք է դիմեն ռուսական կառավարութեանը: Նպատակը երևի համոզվելն էր, որ դա իրոք ուղի հայ ժողովրդի ցանկութիւնն էր, ինչպես նաև Հայաստան գործ ուղարկելիս հիմք ունենալու: Ուշագրավ է, որ նա հանձնարարել է Հնդկաստանից կանչել Հովսեփ էմինին, որը, ինչպես հայտնի է, XVIII դարի 60-ական թթ. Հայաստանն ազատագրելու ուղղութեամբ լայն գործունեություն էր ծավալել՝ ընդհուպ մինչև զինված խմբեր կազմավորելու: Այդ տեսակետից, և զատելով խոսակցության թեմայից, էմինի խնդիրներից մեկն էլ հայերի զինված պայքարի կազմակերպումը կարող էր լինել: Ասացուց է տալիս, որ Պոտլոմէոսը ցանկալի էր համարում հայերի զինված պայքարը, այդպիսով ակտիվ դեր վերապահելով հայ ժողովրդին իր հայրենիքի ազատագրման գործում: Դրա օգտին է խոսում նաև այն փաստը, որ հունվարի 13-ին Սուվորովը իր մոտ է հրավիրում Լազարյանին ու Արդուսյանին և մանրամասն տեղեկանում Արցախի մեկնեցողների կացության և հատկապես նրանց ռազմական ուժի վերաբերյալ⁶: Ինչ վերաբերում է էմինին ուղղված նամակի ճակատագրին, ապա այդ մասին դարձյալ իմանում ենք Արդուսյանից:

Հետագայում, 1790-ական թթ., երբ ռուսական զորքերի Անդրկովկաս գալը շարունակում էր օրակարգում մնալ, Արդուսյանն աշխատում էր Պոտլոմէոսին փոխարինած Պ. Գուրովին շահագրգռել Հայաստանի ազատագրման պոտլոմէոսյան ծրագրերով և հատկապես համոզել նրան՝ հայերին մասնակից դարձնել արշավանքին: 1793 թ. մայիսին Պ. Զուրովին ուղղված նամակում պատմելով էմինի և նրա կատարած գործի մասին, Արդուսյանը հայտնում էր, որ 1780 թ. Պոտլոմէոսը կարգադրել էր Ռուսաստան կանչել էմինին, բայց այն ժամանակ լուր էր տարածվել, թե էմինը ողջ չէ: Սակայն, ինչպես գրում էր Արդուսյանը, էմինը ողջ է եղել և իմանալով այդ մասին, 1790 և 1791 թթ. գրել էր Արդուսյանին՝ պատրաստակամություն հայտնելով երկու որդիների հետ ծառայել Ռուսաստանին՝ իր հայրենիքի փրկությանը նպաստելու համար⁷: Արդուսյանը պատմում է էմինի մասին, նրան համարելով հայ ազատագրական պայքարի և հայկական պետականության վերականգնման գաղափարի նվիրյալ: Ինչ վերաբերում է Սուվորովին, ապա նա շատ էր ոգևորված Հայաստանի ազատազորման գաղափարով և եռանդով էր նախապատրաստվում արշավանքին, սակայն նրա հրամանատարութեամբ արշավանքը տեղի չունեցավ⁸: Բայդ Պոտլոմէոսը չէր հրաժարվել իր ծրագրերից և արշավանքի հարող շարունակում էր օրակարգում մնալ: 1782 թ., կովկասյան գծի զորքերի հրամանատար Պ. Պոտլոմէոսը, որը ցուցում էր ստանում Գ. Պոտլոմէոսից, Արդուսյանին ուղղված նամակում, ուր մի շարք հարցադրումներ կային Հայաստանի և Անդրկովկասի վերաբերյալ, ամենից առաջ այն հարցն էր բարձրացնում, թե արդյո՞ք հայ ժողովուրդը պատրաստ էր

⁵ Армяно-русские отношения, IV, с. 153.

⁶ Տե՛ս նույն տեղում:

⁷ Տե՛ս նույն տեղում, էջ 398:

⁸ Մանրամասն տե՛ս М. Г. Пересепя. А. В. Суворов и русско-армянские отношения (այսուհետև՝ А. В. Суворов...), Ереван, 1981, с. 43—71.

պայքարել իր ազատագրման համար. «Մեծ Հայաստանի հողը, ընկնելով օրենքով անհավատ և վարվեցողությամբ բարբարոս թուրքերի և պարսիկների ձեռքը, երկար անազատությունից հետո պահպանել է արդյոք ազատ ոգու ուժը: Ընշումը և զանազան հալածանքները չեն սպանել արդյոք նրանց սրտերում ազնիվ զղացմունքները: Բանականության ուժը, օրենքը և հավատի ամրությունն արդյոք այնքան են գործում, որպեսզի հոգու ներքին ցանկությունը լինի թոթափել իրենց ճնշող լուծը»⁹:

Պ. Պոտյոմկինի այս հարցադրումը հետաքրքիր է նրանով, որ դրանում հիշատակվում էր «Մեծ Հայաստանը», որով դրվում էր նաև Օսմանյան կայսրության տիրապետության տակ անցած հայկական տարածքների հարցը՝ վկայելով այդ ուղղությամբ ևս Գ. Պոտյոմկինի որոշակի դիտավորությունների մասին: Իսկ դրա համար պահը կարող էր նպաստավոր դառնալ նրանով, որ Ղրիմի հարցի հետ կապված, Թուրքիայի կողմից Եվրոպական մասում ռազմական գործողություններ սկսելու դեպքում, Պոտյոմկինը նպատակահամար էր գտնում անսպասելի հարված հասցնել վերջինիս նրա ասիական սահմաններում, որին էլ հավանություն էր տալիս կայսրուհին: 1783 թ. ապրիլի 8-ին Գ. Պոտյոմկինին ուղղված նրա հրահանգում, ուր տեղ էին գտել Պոտյոմկինի այս մտահղացումները, նշված էր, որ հարկավոր էր գրավել Դերբենտը, օգնել Հերակլին և հայերին, ապահովելով նրանց մարզերի անկախությունը, որոնցից պետք է Ռուսաստանի համար ամուր պատենշ կազմավորվեր, իսկ թուրքերի հետ պատերազմի դեպքում վրացիների և հայերի հետ միասին, որոնք պատրաստ էին զենքի դիմել ազատության և անկախության հույսով. ուժգին հարձակում կազմակերպել թուրքական մարզերում¹⁰: Բնորոշ է, որ 1796 թ. արշավանքի ժամանակ, որն ուղղված էր բացառապես Աղա Մոհամմեդի դեմ և որի ժամանակ Ռուսաստանն աշխատում էր Թուրքիային դժգոհության առիթ չտալ, արշավանքին հայերի մասնակցության վերաբերյալ հարցը ընդհանրապես չբարձրացվեց, թեև Արղոթյանը առիթը բաց չէր թողնում ինչպես այդ խնդրը, այնպես էլ Արևմտյան Հայաստանի հարցը շողափելու համար¹¹: Ավելին, Ղուկաս կաթողիկոսին ուղղված նամակում արշավանքի հրամանատար Վ. Զուբովը խնդրում էր կաթողիկոսին՝ դիմել հայ ժողովրդին՝ «հանգստություն պահպանելու» կոչով, պատճառաբանելով, որ իրենք եկել են ոչ թե տապալելու, այլ հաստատելու տեղի իշխողներին¹²: Ինչպես տեսնում ենք, Զուբովը անհանգստանում էր, որ ռուսական զորքի ներկայությունից ոգևորվելով հայ ժողովուրդը կարող էր զենքի դիմել, որը այդ պահին չէր մտնում ռուսական կառավարության պլանների մեջ: Սա ցույց է տալիս, որ տարածաշրջանում Ռուսաստանի խնդիրների փոփոխությունից կախված փոխվում էին նաև Հայաստանի անկախության վերականգնման և հայ ժողովրդի զինված պայքարի վերաբերյալ ռուսական կառավարության ծրագրերը: Իսկ 1782 թ. դեկտեմբերի 28-ին Պ. Պոտյոմկինին ուղղված պատասխան նամակում Արղոթյանը գրում էր, որ հայերը, «ոգու ամրությունը և քրիստոսի հավատի նկատմամբ քերմեռանդությունը անսասանորեն պահպանում են... Չնայած շատ են ցանկանում ազատագրվել այդ լծից, բայց անհավատների ներշնչած սարսափը տկարացնում է նրանց և նրանց ուժը մատնում անգործության: Շատ հնարավոր է, որ այս նոր ձեռնարկումը նորոգի նրանց սրտերում այն զինական կրակը, որով հնուց շնչում էին իրենց նախ-

⁹ Армяно-русские отношения, IV, с. 200—201. Տե՛ս նաև Լ. Լ. Լ. Երկերի ժողովածու., 4. 3, գ. 2, էջ 342:

¹⁰ Տե՛ս Օ. Ս. Մարկովա. Россия, Закавказье и международные отношения в XVIII веке. М., 1966, с. 160—161.

¹¹ Տե՛ս Армяно-русские отношения, IV, с. 397—398, 415, 435—439.

¹² Տե՛ս Ս. Գ. Ղուկասյան. Հովսեփ Արղոթյանը ռուսական զորքերի 1796 թ. անդրկովկասյան արշավանքի ժամանակ. — «Պատմա-բանասիրական հանդես», 1987, № 3, էջ 92—93:

ներհերքման¹³ Այսպիսով, Արղունթյանը ընդգծում էր, որ հայերի մեջ վառ է սլաքատասիրական ոգին և նրանք պատրաստ են պայքարել, բայց միայնակ, առանց Ռուսաստանի օգնության, հայ ժողովուրդը ի վիճակի չէ այդ պայքարում հաղթանակ ակնկալել: Եվ, որպեսզի հայերն ավելի ոգևորվեն և ակտիվորեն մասնակցեն արշավանքին, Արղունթյանը նպատակահարմար էր գտնում, որ ռուսական բանակում ներկա լինեին հայ ժողովուրդի շրջանում հեղինակություն վայելող երևելի հայազգի գործիչներ: Պ. Պոսոյովկինին ուղղված նամակում նա նշում էր Հովհաննես Լազարյանի անունը, այնուհետև թվարկելով նաև ռուսական ծառայության մեջ գտնվող հայազգի մի շարք զինվորականների անուններ¹⁴: «Զի յորժամ լինիցէր նա ընդ քեզ, որպէս երբեմն ազդք մեր բորբոքեցան առ էմին աղայն, զորմէ յառաջուն էիմ դրեալ, առավելապէս առ Իվան Լազրիչն ոչ միայն նոքա, որք ի ձեռս պարսից կան, այլև շուրջ Արարատեամբ եղեալ հայքն, որք են ընդ ձեռամբ օսմանցոց, որք բնակին թէպէտ ի Հայաստան, բայց ի նոդունց անուանին տեղիք նոցա Քրտստան, ի Բայազիդ, ի Վան, ի Մոքք, ի Յարգրում և ի շրջակայս նորա, և այլ ուրեք, թող զԱնատոլի եղեալսն, որք են անթիւք», գրում է Արղունթյանը¹⁵:

Իր առաջարկը Արղունթյանը հիմնավորում էր նաև նրանով, որ այդ անձինք, լավատեղյակ լինելով իրենց հայրենակիցների լեզվին և իստուկացին, հնարավորություն կունենային օգտակար լինել ռուսական հրամանատարությանը¹⁶: Կարծում ենք, սակայն, նա շահագրգռված էր դրանում, որովհետև վերջիններս կարող էին ամենից առաջ օգտակար լինել իրենց ազգին և հնարավորին չափ նպաստել, որպեսզի ռուսական հրամանատարությունը հայանպաստ դիրքորոշում ունենար: Նա հույս էր փայփայում, որ հայ ժողովուրդի ակտիվ մասնակցությունը ռազմական գործողություններին կգնահատվեր ռուսական կառավարության կողմից և հաշվի կառնվեր Հայաստանի հետադաճակատագիրը և կարգավիճակը որոշելիս: 1784 թ. հունվարի 30-ին Արղունթյանը Պ. Պոսոյովկինին արդեն տեղեկացնում էր, որ բազմաթիվ ռուսահայ կամավորներ միացել էին հայազգի կապիտան Բ. Խաստատովին և պատրաստ էին ծառայել ռուսական հրամանատարության ներքո՝ իրենց հայրենիքի ազատագրմանը մասնակցելու համար¹⁷:

Այժմ տեսնենք, թե ինչպիսին էին հայկական պետականության վերականգնման վերաբերյալ Գ. Պոսոյովկինի պլանները և ինչ ընթացք դրանք ունեցան: Արդեն նշվել է, որ ռուս գործիչները հատկապես հետաքրքրվում էին Ղարաբաղի կադուսթյամբ, մասնավորապես մելիքների ռազմական հնարավորություններով, և Արղունթյանը մանրամասն տեղեկություններ էր հաղորդում նրանց: Նույն հարդի մասին Պ. Պոսոյովկինի համար պատրաստած 1783 թ. հունվարի 28-ի փաստաթղթում Արղունթյանը գրում էր.

«Նոյնքին մելիքօն այնքիկ ի բազմաց հետէ ինքնագլուխք էին և ումեք ոչ ուէին զհնազանդութիւն...: Այնքան ունէին ազատութիւն, մինչ զի յորժամ... մեծ կայսրն Պետրոս յորժամ հաճեալով այցելութիւն առնել տարաբախտ երկրին մերոյ և դիմեաց ի Դարբանդ (Դերբենտ—Ս. Ղ.), լուեալ նոցա զայս երջանիկ լուրս ազատութեան, համաձայնեալ ամենեքեան 18 հազար երիտա-

13 Армяно-русские отношения, IV, с. 204.

14 Նույն տեղում, էջ 218—219: 1784 թ. հոկտեմբերի 18-ին Ղ. Լազարյանին Արղունթյանի գրած նամակից երևում է, որ նրանք նախապես սլավոնավորվել էին այդ հարցի շուրջ: Տե՛ս նույն տեղում, էջ 324:

15 Նույն տեղում, էջ 218—219:

16 Նույն տեղում, էջ 219:

17 Նույն տեղում, էջ 283: Բ. Խաստատովի մասին տե՛ս Մ. Գ. Нерсисян. А. В. Суворов..., с. 79—80:

սարդ արք պատերազմականք քաջք և արիասիրտք... աճապարէին իբրև զարծուիս առ մեծ կայսրն»¹⁸։

Այնուհետև, նկարագրելով Փանահ խանի Ղարաբաղ ներխուժելու և այնտեղ հաստատվելու պատմությունը, ինչպես նաև մելիքների նկատմամբ նրա և Իբրահիմ խանի վարած ագրեսիվ քաղաքականությունը, Արղությանը գրում էր. «Բաց ի մելիք Շահնազարէն և ի տանէն իւրմէ, այլ մելիքքն և բոլոր բնակիչքն հնգերքին զաւառացս և հոգևորքն սոցա, եթէ զտին առիթ ինչ օգնութեան, ապստամբելոց ևն ի խանէն...»¹⁹, եվ իրոք, Պետրոս Մեծից հետո այժմ էլ Պոտյոմկինի հետ հույսեր կապելով՝ մելիքները մի քանի անգամ դիմեցին նկատելինա II կայսրուհուն և Գ. ու Պ. Պոտյոմկիններին Ղարաբաղ օգնական զորք ուղարկելու խնդրանքով, հավաստիացնելով, որ իրենք կմիանան վերջինիս²⁰։

Ղարաբաղի վերաբերյալ ինչպես վերոհիշյալ, այնպես էլ իր մյուս նամակներում, Արղությանը մշտապես ընդգծում էր, որ անգամ հայկական պետականության բացակայության պայմաններում Ղարաբաղը եղել է անկախ և ինքնիշխան և որ մելիքները բավական ուժ են ներկայացրել։ Վերոհիշյալ փաստաթղթում Արղությանը շեշտում էր նաև այն հանգամանքը, որ մելիքները, դեռևս Պետրոս Մեծի ժամանակներից, Հայաստանի ազատագրման հույսը կապել էին Ռուսաստանի հետ և որ Պետրոս Մեծն էլ նպատակ է ունեցել օգնության գալ հայ ժողովրդին։ Ստորև կտեսնենք, որ Արղությանի կողմից խնդիրը նման ձևով ներկայացնելը բավականին մեծ ազդեցություն է ունեցել Ղարաբաղի հարցի լուծման ընթացքի և կարգավիճակի վերաբերյալ Գ. Պոտյոմկինի արտահայտած դիրքորոշման վրա²¹, Հ. Ռայնեդսի միտիայի վեբաբերյալ կայսրուհուն հղած 1783 թ. փետրվարի 9-ի զեկուցագրում Գ. Պոտյոմկինը, պաշտպանելով Ղարաբաղ և Երևան զորք ուղարկելու գաղափարը, նշում էր, որ դա պետք է արվի «...անկախ նրանից հայերը կճանաչվեն որպես Ռուսաստանի հպատակներ, թե կտրվի նրանց պատշաճ տիրակալ...»²²։

Էականը համարելով Ղարաբաղ և Երևան զորք ուղարկելը, Պոտյոմկինը երկու տարբերակներն էլ ընդունելի էր համարում՝ ընտրության իրավունքը վերապահելով կայսրուհուն կամ պարզապես հարցի վերջնական լուծումը թողնելով ժամանակին։ Նույն թվականի ապրիլի 6-ին Գ. Պոտյոմկինը արդեն կարգադրում էր Պ. Պոտյոմկինին. «Շուշու Իբրահիմ խանին պետք է տապալել, քանի որ դրանից հետո Ղարաբաղը կդառնա Ռուսաստանից բացի ուրիշ ոչ մեկից կախում չունեցող մարզ։ Դուք այդտեղ զործադրեք բոլոր միջոցները, որպեսզի այդ նոր մարզը ժողովրդի համար ամենաշահավետ ձևով կազմավորվի։ Այդպիսով և մյուս հայկական շրջանները կամ կհետևեն նրանց օրինակին կամ մեծաթիվ խմբերով կգան Ղարաբաղ»²³։

Այսպեսով, Գ. Պոտյոմկինը ցանկանում էր Ղարաբաղը և մյուս հայկական տարածքները տեսնել որպես միայն Ռուսաստանից կախման մեջ գտնվող ուժեղ և հալաչատ շրջաններ։ Սակայն ընդամենը մեկ ամիս անց նա հրամայեց ձեռք չտալ խանին, քանի որ վերջինս դիմել էր Ռուսաստանի հովանավորության տակ անցնելու խնդրանքով։ Միաժամանակ կարգադրվում էր սիրաշահել հայերին, որպեսզի նրանք պատրաստ լինեն անհրաժեշտության դեպքում աջակցել տարածաշրջանում Ռուսաստանի շահերից բխող

¹⁸ Армянно-русские отношения, IV, с. 210—211.

¹⁹ Նույն տեղում, էջ 212։

²⁰ Նույն տեղում, էջ 181—184, 222—229, 232—234, 247—251։

²¹ Այլ հարցերի կապակցությամբ ևս Արղությանի ներկայացրած փաստաթղթերը և գրանցում տեղ գտած առաջարկները հիմնականում հաշվի էին առնվում ռուս պաշտոնյաների կողմից, որը վկայում է Արղությանի ճկունության և նրա վայելած մեծ հեղինակության մասին։

²² Армянно-русские отношения, IV, с. 217.

²³ Նույն տեղում, էջ 239։

ձեռնարկումներին²⁴։ Կայսրուհուն ուղղված զեկուցագրում նշելով, որ դեռևս նրանից հրահանդ չունենալով ինքը կարգադրել է հնազանդության բերել Իրաահիմ խանին, Գ. Պոտյոմկինը գրում էր. «Հարմար առիթի դեպքում նրա (Իրաահիմ խանի—Ս. Ղ.) մարզը, որը կազմված է հայերից, պետք է տալ ազգային կառավարման և այդպիսով Ասիայում վերականգնել քրիստոնեական պետություն, համաձայն ձերդ կայսերական մեծության իմ միջոցով հայ մեկիքներին տված խոստումներին»²⁵։

Այսպիսով, մինչ Անդրկովկասում նախատեսվող ծրագրի իրականացումը, Պոտյոմկինը ձեռնտու էր համարում տարածաշրջանում Ռուսաստանի ազդեցությունը ուժեղացնել դիվանագիտական միջոցներով, որոնցից մեկն էլ տեղի իշխողներին Ռուսաստանի հովանավորության տակ վերցնելն էր կամ այդպիսի հեռանկարով նրանց հնազանդության մեջ պահելը։ Եվ, չնայած Պոտյոմկինը չէր վստահում խանին, անմիջապես չբավարարելով հանդերձ նրա խնդրանքը, վերջնականապես չմերժեց, քանի որ բոլոր դեպքերում շահավետ էր Իրաահիմին կախման մեջ պահելը։ Սակայն, ինչպես երևում է կայսրուհուն հղած նրա զեկուցագրից, Իրաահիմին իշխանազուրկ չանելը Պոտյոմկինը ժամանակավոր քաջ էր համարում, քանի որ Ղարաբաղի նկատմամբ նա ճանաչում էր միայն հայ ժողովրդի իրավունքները, Իրաահիմին համարելով ուզուրպատոր։ Կայսրուհուն ուղղված Գ. Պոտյոմկինի զեկուցագիրն ուշագրավ է նաև նրանով, որ դրանից որոշակիորեն երևում է, որ Եկատերինա II-րդ նույնպես պաշտպանել է հայկական պետությունը վերականգնելու անհրաժեշտության գաղափարը։ Ինչ վերաբերում է Իրաահիմին ժամանակավորապես իշխանազուրկ չանելու մասին Գ. Պոտյոմկինի երկրորդ հրահանգին, ապա բացառված չէ, որ դա պայմանավորված էր նաև նրանով, որ չնայած իր մեծ լիազորություններին և կայսրուհու մոտ ունեցած վստահությանը, նա չէր կարող իրադրության փոփոխման պայմաններում միանձնյա որոշումներ կայացնել և գործադրել տալ իր նախորդ հրահանգը։

Եվ, այնուհանդերձ, նկատի ունենալով Պոտյոմկինի երկրորդ հրահանգը, պետք է նշել, որ Իրաահիմի դիմելը կայսրուհուն այդ պահին վճռորոշ նշանակություն ունեցավ, եթե, իհարկե, Ռուսական զորքը իրոք պատրաստվում էր շարժվել Ղարաբաղ և այդ պատճառով միայն առջավանքը դադարեցվեց։ Իսկ որ Իրաահիմ խանի հետ հարաբերություններին Եկատերինա II-րդ բավականին նշանակություն էր տալիս, վկայում է թեկուզ այն փաստը, որ խանի ներկայացուցչին ճոխ ընդունելություն ցույց տրվեց Պետերբուրգում²⁶։ Բնականաբար, մեկիքներն այդպիսով հայտնվում էին ավելի ծանր իրադրության մեջ, քան մինչև Պոտյոմկինի հետ հարաբերությունների մեջ մտնելը, քանի որ Իրաահիմը էլ ավելի ազատություն էր տալու իր ձեռքերին։ Դժվարին կաթուղիյան մեջ էր հայտնվում նաև Հ. Արդուսյանը, քանի որ Պոտյոմկինի տված հույսերի համաձայն ինքն էլ հուսադրում էր մեկիքներին, իսկ արդյունքը այդպես էլ չէր երևում։ Հասկանալով, որ Իրաահիմին հովանավորության տակ վերցնելու դեպքում մեկիքները ավելի անպաշտպան էին դառնալու, 1784 թ. սեպտեմբերին Արդուսյանը գրում էր Գ. Պոտյոմկինին. «Ձեռնու խանն եթէ ընկալնոց իցէք ի հովանաւորութիւն իւրոհւոյ կայսերական մեծութեան, խընդրեմք զմեկիքսն մեր ուրոյն կարգավորութեամբ ընկալնույ, ըստ բողոքի և աղաչանադ նոցա, որ մինչև յայս վայր խնդրեն, որ լինիցին նոքա ինքնազուրկ և միայն կախնալ ի հրամանս նորին արքայական մեծութեան Հերակլայ»²⁷, որն էլ, ի դեպ, նախատեսվում էր իրականացնել 1796 թ. արշավանքի ժամանակ²⁸։ Այսպիսով, խոսքը ոչ թե առաջվա պես Իրաահիմին իշխա-

²⁴ А. Р. И о а н н и с я н. Указ. соч., с. 237.

²⁵ Армяно-русские отношения, IV, с. 241.

²⁶ Տե՛ս Օ. Պ. Մ а р к о в а. Указ. соч., с. 184.

²⁷ Армяно-русские отношения, IV, с. 321.

²⁸ Տե՛ս Ս. Ղ ու կ ա ս յ ա ն, նշվ. աշխ., էջ 92։

նազուրկ անելու մասին էր, ալ մելիքներին խանի հալածանքներից ազատելու համար Հերակլից կախման մեջ դնելու: Նման խնդրանքը կարելի է բացատրել նաև նրանով, որ 1783 թ. Գեորգիևսկի պայմանագրով Հերակլը համարվում էր Ռուսաստանի հովանավորության տակ և մելիքներին նրա ենթակայության ներքո դնելը, փաստորեն, վերջիններիս վրա ևս կտարածեր Ռուսաստանի հովանավորությունը և կարող էր նրանց զերծ պահել Իբրահիմի ոտնձգություններից:

Ղարաբաղի հայերի վիճակով մտահոգված էր նաև ռուսական արքունիքը և, որպեսզի նրանց ազատեն Իբրահիմի վրեժխնդրությունից, հարկ էր համարվում արտաքուստ սիրաշահել խանին. «...Ինչպես ինքը (Իբրահիմ խանը—Ս. Ղ.), այնպես էլ բոլոր պարսիկները սաստիկ վախի մեջ են, և որպեսզի չհասցվի նա ծայրահեղության և շմղվի նրան, որ վախից փախչի կամ զինվի, քանի որ առաջին դեպքում նա չի հապաղի կողոպտել բոլոր հայերին, իսկ երկրորդ դեպքում անարդյունք դիմադրությամբ նրանց կզոհարեն, ես ճիշտ համարեցի արտահայտել նրան գոհունակություն և սիրալիրություն...»²⁹, գրում էր Պ. Պոտյոմկինը Գ. Պոտյոմկինին 1783 թ. օգոստոսի 5-ին: Իսկ որ Գ. Պոտյոմկինը Ղարաբաղի հարցում շարունակում էր նույն դիրքորոշմանը մնալ, ցույց է տալիս 1784 թ. ապրիլի 6-ի կայսրուհուն ուղղած նրա զեկուցագիրը: Նա կրկին ընդգծում էր, որ Ղարաբաղի իշխողը պետք է լինի քրիստոնյա և որ այդ մարզի վերաբերյալ ինքը հատուկ ծրագրեր ունի, որոնց մասին տեղյակ կպահի կայսրուհուն. «Իբրահիմ խանը վախենալով իր բռնի իշխանությունից բաց թողնել այս ժողովուրդը, ուզում է միանալ Ռուսաստանին: Բայց քանի որ այնտեղի իշխողը բարձրագույն մտադրության համաձայն պետք է քրիստոնյա լինի, բայց ոչ ինքը, ես նրա պահանջին հրամայեցի պատասխանել, թե այդ մասին կզեկուցեմ ձերդ կայսերական մեծությանը, մինչդեռ բախտ կունենամ իմ վերադարձին ներկայացնել հայկական մարզի հաստատման ամենալավ ձևը»³⁰: Ինչպես երևում է նամակից, Ղարաբաղի իշխողի քրիստոնյա լինելու անհրաժեշտությունը եղել է նաև կայսրուհու մտադրությունը: Սակայն 1784—1785 թթ. ևս սպասված օգնությունը չեկավ: Այդ ընթացքում Գ. Պոտյոմկինը աշխատում էր պարսից Ալի-Մուրադ խանի հետ բանակցությունների միջոցով հասնել նրան, որպեսզի խանը Ռուսաստանին կամովին զիջեր մի շարք շրջաններ, այդ թվում Արևելյան Հայաստանը, որպես Ռուսաստանի կողմից իրեն շահ ճանաչելու հատուցում: Բայց այդ բանակցությունները չկայացան Ալի-Մուրադ խանի մահվան պատճառով³¹, իսկ 1785 թ. Պոտյոմկինը զբաղված էր հյուսիսային Կովկասում Շեյխ Մանսուրի ղեկավարությամբ բռնկված ապստամբությունը ճնշելով: Եվ մինչ Ղարաբաղի վերաբերյալ ծրագրերը մնում էին թղթի վրա, Իբրահիմ խանը ավելի էր սաստկացնում իր հալածանքները մելիքների և Հովհաննես կաթողիկոսի նկատմամբ, քանի որ, տեղյակ լինելով Պոտյոմկինի հետ նրանց կապերին, լավ էր հասկանում, որ դրանք վերջին հաշվով իր դեմ էին ուղղված: 1784 թ. մայիսի 10-ի նամակով Հովհաննես կաթողիկոսը Պ. Պոտյոմկինին տեղյակ էր պահում, որ Իբրահիմ խանին հայտնել էին, թե մելիքները մարդ և գիր են ուղարկում Պ. Պոտյոմկինի մոտ, որը կատաղեցնում է առանց այն էլ նման կասկածներ ունեցող խանին, դառնալով մելիքների նկատմամբ նոր հալածանքների պատճառ³²: Արղությանը, որ մշտական կապ էր պահպանում մելիքների հետ և լավատեղյակ էր Արցախում կատարվող դեպքերին, որոնք, ի դեպ, լայնորեն արտացոլվել են նրա նամակներում, 1785 թ. գրում էր. «Յուսիսի մուտն, Յովհաննես կաթողիկոսն գիր առի, այժմ զանազան վիշտս իրենանց գրէ, զոր կրեալ են և այժմոյս անդորր գուն: Եւ նոյն արիական հոգով

²⁹ Армяно-русские отношения, IV, с. 255.

³⁰ Նույն տեղում, էջ 299.

³¹ Տե՛ս Ա. Բ. Иоаннисян. Указ, соч., с. 122—135.

³² Армяно-русские отношения, IV, с. 304.

սպասելն յոյսոյն... Գրած է, թէ հոգիք մեր կցեալ են ընդ բանս մեր, միայն թէ գիր չեմք կարող այժմ գրել ոչ մեծամեծացն և ոչ պարոն Ստեփանին, զոր ինչ առնես, մեզ ընդունելի է»⁸⁶, Չնայած բազմիցս հուսախաբություններին և Իբրահիմի հետապնդումներին, մելիքները, այլ ելք չունենալով, շարունակում էին իրենց հույսը կապել Ռուսաստանի հետ։ Բերված հատվածը ցույց է տալիս նաև, որ նրանք այնքան էին վստահում Արղությանին, որ վերջինիս իրավունք էին վերապահում իրենց անունից հանդես դալ ռուսական կառավարության առջև։ Բայց, չնայած Արղությանի եռանդագին ջանքերին, հարցը տեղից չէր շարժվում։ «...անբախտ ազգի մերոյ բանն մնաց և մնայ տակաւին անկատար։ ...Սոքա (մելիքները—Ս. Ղ.) բազմիցս գրեցին կայսերուհոյն, խնամակալին մերոյ պայծառափայլ քննազ Գրիգոր Ալեքսանդրովիչ Պոտեմկինին և զօրապետ Պաւլ Սարգեիչ Պոտեմկինին և մեզ ի տկարս, սակայն դեռ մինչև ցայսօր ոչ ինչ կարգաւորութիւն ոչ է եղեալ, թէպէտ իօսակցութիւն՝ բազում, սակայն ոչ պակասեցուցանեն զյոյս մեր, այլ ասեն գոյն ինչ համբերել, գրում էր Արղությանը Շ. Շահամիրյանին 1785 թ. սեպտեմբերի 10-ին»⁸⁷,

1787 թ. սեպտեմբերին Հերակլի կողմից Իբրահիմի վրա սպասվող արշավանքը, որի նպատակը խանի դեմ ապստամբած մելիքներ Արուսիկ և Մեջլումին իրենց հպատակներով Ղարաբաղից դուրս բերելը և Վրաստանում վերաբնակեցնելն էր, նույնպես ձախողվեց՝ Հերակլին ուղեկցող ռուսական ջոկատին ուղղված հտդարձի հրամանի պատճառով⁸⁸։ Հայտնվելով անելանելի վիճակում, մելիքները ստիպված լեցին իրենց հայրենի կալվածքները և տարագիրներ դարձան։ «Ի Ղարաբաղ եղեալ մելիօն մեր՝ որդիքն մելիքացն Աղամայ և Յովսեփի՝ մելիք Մեջլումն և մելիք Ասլովն ի բռնութենէ և ի սաստիկ տիրապետութենէ բռնաւորին իւրեանց՝ Շուշու խան կոչեցելոյն, վտարանդի լեալք ի բուն հայրենեաց իւրեանց՝ ոմամբ հպատակօք իւրեանց, մելիք Մեջլումն ի Թիֆլիզ դեգերի և մելիք Ասլովն ի Գէնջայ, իսկ մնացեալ երկրորն և ժողովուրդք նոցին ցրուեալ են ի լամենայն իշխանութիւնս Շուշու խանին»⁸⁹, գրում էր Արղությանը 1790 թ. հունվարի 22-ին Հնդկաստանի հայ համայնքին ուղղված նամակում։ Իբրահիմին իշխանազուրկ չանելու խնդրի հետ կապված հետաքրքիր է Արղությանի հետևյալ բացատրությունը, որի հետ Ա. Ռ. Հովհաննիսյանը համաձայն չէ⁹⁰, բայց մեր կարծիքով հարցը հետագա ուսումնասիրության կարիք ունի։ Մելիքներ Մեջլումին և Արուսիկ ուղղված նամակում Արղությանը գրում է. «...կամէին սոքա (ռուս գործիչները—Ս. Ղ.) զիշխողն ձեր (Իբրահիմ խանին—Ս. Ղ.) բառնալ և զձեզ ի տեղի նորա հաստատել, սակայն յայնժամ նորին արքայական բարձրութիւնն (Հերակլ II-ը—Ս. Ղ.) բարեկամ գոյով ընդ նմայ, արգել և ոչ եթող թող, թէպէտ և քննազին ընդդէմ էր գրեցեալն նորա և այժմ ևս վերաւորութեանն գիտաւոր մի պատճառն այս է, ինչ օգուտ, որ ինքն ևս արքայն գիտայ անօրէնութիւնն նորա ապա յետ քանդման ձերոյ»⁹¹, Պ. Պոտյոմկինին ուղղված 1784 թ. փետրվարի 25-ի նամակում Հերակլը հետևյալ բացատրությունն էր տալիս Իբրահիմ խանի հետ իր դաշնակից լինելուն. «...Ձերդ գերազանցությունը բարեհաճել է իր նամակում հարցնել մեզ Իբրահիմ խանի հետ մեր դաշինքի պատճառի մասին... նախ և առաջ Իբրահիմ խանի մասին անհրաժեշտ եմ համարում հավաստել Ձերդ գերազանցությանը, որ նա ավելի եռանդուն և մյուս բոլոր խաներից ավելի լավ կարող է ծառայել նորին կայսերական մեծությանը։ ...Մինչ այսօր Իբրահիմ խանը միշտ հավատարիմ է եղել մեզ, և եթե

⁸⁶ ՄՄ, ձեռ. № 4496, ր. 325.

⁸⁷ Армяно-русские отношения, IV, с. 335—336.

⁸⁸ Մանրամասն ահ'ս նույն տեղում, էջ 357—358, 374—375։ Հաւանալի է, որ հայ բնակչության դուրս բերումը Ղարաբաղից հանգեցնելու էր մարդի հայաթափմանը։

⁸⁹ ՄՄ, ձեռ. № 2949, ր. 292.

⁹⁰ Տե՛ս А. Р. Поппеян. Указ. соч., с. 103.

⁹¹ ՄՄ, ձեռ. № 2699, ր. 154.

(որը մենք չենք կարող ստացել)... ցանկանա հակադրվել, մենք միշտ միջոց ունենք սանձնելու նրան, կրք նորին կայսերական մեծությանը հաճելի լինի հրամայելը³⁹։ Պարզվում է, որ Հերակլը իրոք բարեխոսել է իր «բարեկամի համար» Պոտյոմկինի առջև, այլ հարց է, թե որտանով է դա նպաստել խանին իշխանազուրկ չանելուն։ Դրանից ընդամենը երկու ամիս անց, երբ խոխտելով թագավորի հետ պայմանավորվածությունը Իբրահիմը մերժեց Գանձակի գերված խանին հանձնել Հերակլին, վերջինս «փոխեց» իր կարծիքը խանի մասին, նշելով, որ Իբրահիմը «...պարսիկ է և ուրեմն չի կարելի հույս դնել նրա հավատարմության վրա»⁴⁰։ Բոլոր դեպքերում դժվար է չհամաձայնվել, որ Իբրահիմի հետ Հերակլի բարեկամությունը չէր կարող իր բացասական դերը չխաղալ խանի դեմ մեկիքների պայքարում։ Ինչևիցե, Գ. Պոտյոմկինի վարած անհետևողական և ձգձգվող քաղաքականությունը մի կողմից, մյուս կողմից Ուսաստանի օգնության ակնկալմամբ սեփական հնարավորությունները բացառելը և շօտագործելը, ճակատագրական եղան մեկիքների համար և թույլ տվեցին Իբրահիմ խանին էլ ավելի ուժեղացնել իր ազդեցությունը Ղարաբաղում։ Պատահական չէր, որ մեկիքությունների թուլանալը և աստիճանաբար Իբրահիմից կախման մեջ ընկնելը Արղուսյանը բացատրում էր նաև խանի նկատմամբ երիտասարդ մեկիքների տածած երկյուղով. «...Արցախու մեծամեծ իշխանքն ամենեքեան փոխեցան, այժմոյս եղեալքն մանկունք են և ընդ երկիւղի զսպեալք», գրում էր նա⁴¹։

Հայկական թագավորության վերականգնման հարցը ուղղակիորեն կապված է Երևանի հարցի հետ, որին և, բնականաբար, չենք կարող չանդադրաբար։ 1784 թ. սեպտեմբերի 10-ին Պ. Պոտյոմկինի միջոցով Երևանի հայությունը ևս դիմեց կայսրուհուն և Գ. Պոտյոմկինին օգնության խնդրանքով. «...զարթեան և բնակիչքն Արարատեան և ցանկան ի ձեռն ձերոյ պայծառափայլութեան բարի միջնորդութեամբն ազատիլ ի ռառն ծառայութենէ Եկեղաց իւրեանց, զանկեալ թագն կանգնել և վերստին նորոգել զմանկութիւն ազատութեան իւրեանց...»⁴², գրում էր Արղուսյանը Գ. Պոտյոմկինին՝ հաստատելով մահմեդական տիրապետությունից ազատագրվելու և հայկական պետականությունը վերականգնված տեսնելու արարատյան հայության ձգտումը։ 1783 թ. մայիսի 21-ին Ս. Բուռնաշևին տված հրահանգում խոսելով դեպի Երևան ուսական զորքի առաջխաղացման հետ կապված խնդիրների մասին, Պ. Պոտյոմկինը նշում էր, որ Երևանում «բոլոր գործերի ամենագլխավոր... շրջադարձը պետք է հետևի»⁴³։ Սա նշանակում է, որ Պոտյոմկինը կարևոր նշանակություն էր տալիս Երևանի զրավմանը՝ դա համարելով լուրջ իրադարձությունների սկիզբ։ Շուտով, Գ. Պոտյոմկինին ուղղված զեկուցագրում Պ. Պոտյոմկինը հարցնում էր. «Երբ գործը հասնի Հայաստանին, Երևանը և նրա մարզը պետք է ճանաչել Հայաստանի ընդհանուր կազմի մեջ», թե հաստատվել այն որպես վրացական թագավորությանը պատկանող։ Առաջին դեպքում պետք է ենթադրել, որ թագավորը այդ մարզին համարժեք հատուցում կխնդրի, իսկ երկրորդ դեպքում հարկ կլինի թագավորի իշխանությունը ամուր հիմքերի վրա դնելը⁴⁴։ Ոգտագործելով Երևանի խանի Վրաստանին հարկատու լինելու փաստը, Հերակլը ուսական կառավարության առջև մշտապես շեշտում էր Երևանի նկատմամբ իր «իրավունքների» մասին, որն էլ պատճառ էր հանդիսանում, որպեսզի Պոտյոմկինը նման հարց բարձրացներ։ Միևնույն

³⁹ Центральный Государственный Архив Древних Актов (ЦГАДА), ф. 23, д. 13, часть 3/2, л. 92.

⁴⁰ А. Р. Иоаннисян. Указ. соч., с. 103.

⁴¹ Армяно-русские отношения, IV, с. 336.

⁴² Նույն տեղում, էջ 321։

⁴³ Նույն տեղում, էջ 241։

⁴⁴ А. Р. Иоаннисян. Указ. соч., с. 250.

ժամանակ, լավ իմանալով, որ դա բուն հայկական տարածք է, Պոտյոմկինը հարցնում էր Երևանի փոխարեն Հերակլին այլ, համապատասխան հատուցում տալու մասին, բնական համարելով, որ Երևանը մնա ապագա Հայաստանի կազմում: Հայտնի չէ, թե ինչ է պատասխանել Գ. Պոտյոմկինը այդ հարցին կամ արդյո՞ք պատասխանել է: Բայց հայտնի է, որ 1796 թ. արշավանքի ժամանակ Վ. Զուբովի Ա. Ռիմսկի-Կորսակովին տված հրահանգի համաձայն նախատեսվում էր Երևանը միացնել Վրաստանին, իսկ Ղարաբաղի մելիքներն էլ պետք է կախման մեջ դրվեին վրաց թագավորից: Եկատերինա 11-ի հրովարտակում էլ նշվում էր, որ արշավանքի նպատակներից մեկը «Հայաստանի վերականգնումն» էր⁴⁵:

Գուցե այդպիսի լուծումը ստեղծված պայմաններում ինչ-որ չափով ընդունելի համարվեր, քանի որ, ինչպես արդեն նշվել է, մելիքները Ռուսաստանից բացի ակնկալիքներ ունեին նաև վրաց թագավորից և այլ ելք չտեսնելով դեռևս 1784 թ. Արղուիթյանի միջոցով հենց իրենք էին նման խնդրանքով դիմել ռուսական կառավարությանը: Սակայն, հասկանալի է, որ դա չէր կարող էապես բավարարել հայ ժողովրդին և չէր համապատասխանում Ռուսաստանի հետ կապած նրա հույսերին: Իսկ թե ինչ ճակատագիր ունեցավ Երևանի և Ղարաբաղի խնդիրը 80-ական թթ. և ինչ հաջողվեց անել հայության կողմից Պետերբուրգ ուղարկված Ստեփան Դավթյանին, երևում է 1786 թ. սեպտեմբերի 3-ի Շ. Շահամիրյանին գրած Արղուիթյանի նամակից. «Իսկ ի Հայաստանա հասարակութենէն զանխլաբար առաքեալ եղև ազնիւ պարոն Ստեփանն տէր Սահակեան Գեղամացի... որ այժմ դեռ ի դրունս կայսերն ի Սանկթ Պետերբուրգ դեգերեալ կայ: Երկու ամ յուսադրեն և պահեն, զկատարածն գործոյ նորա չգիտեմք»⁴⁶:

Վերահիշյալ փաստերը ցույց են տալիս, որ ընայած 1780-ական թթ. Գ. Պոտյոմկինի նախաձեռնությամբ հայկական թագավորությունը վերականգնելու նպատակով արշավանքը տեղի չունեցավ, սակայն Պոտյոմկինը պաշտպանում էր Ռուսաստանի գերիշխանության տակ հայկական պետության վերականգնման գաղափարը, որին կողմնակից էր նաև Եկատերինա II կայսրուհին: Պոտյոմկինի այդ դիրքորոշումը, ինչպես նաև նրա վերաբերմունքը Հայաստանի և հայ ժողովրդի նկատմամբ արտահայտվել է Արղուիթյանի մի շարք նամակներում: Ահա դրանցից մեկը. «Բաւական յայտնի են մեզ, և ամենայն ազգի մերում ձերդ պայծառափայլութեան գութ և խնամք առ անկեալ ազգս հայոց, որ երբեմն էր հռչակաւոր յամենայն աշխարհի, որոյ կանգնման բաղձանք միշտ է ի սրբազնեալ հոգի ձեր, ուստի մեք ոչ դազարիմք զարիութիւն հոգվոյ ձերոյ՝ ոչ հռչակել ի յազգս մեր և զհուր սիրոյ ձերոյ՝ արկանել ի հոգի նոցա բորբոքել և տենչալ փափաքելի փրկութեան իւրեանց և համապատասխանել ձեր բարեմիտ կարգաւորութեան, լինել ընդ հզոր ձեռամբ և հովանաւորութեամբ՝ օգոստափառ և մարդասէր փրկչանման իմաստնոյն մեծին Եկատարինէի»⁴⁷: Այդ տեսակետից Գ. Պոտյոմկինի աջակցությամբ 1791 թ. Ռուսաստանում հիմնադրված նոր հայկական քաղաք-գաղութը «Գրիգորիոպոլիս» կոչվել ևս պատահական չէր: Այդ անունը մատնանշում էր Հայաստանի երբեմնի փառքը, որը ցանկանում էր վերականգնված տեսնել Գրիգոր Լուսավորչի անվանակիցը: Արղուիթյանն իր օրագրությունում պատմում է, որ Պոտյոմկինը հաճախ աղոթում էր Լուսավորչի պատկերի առջև⁴⁸:

Կարևոր է նաև այն, որ Պոտյոմկինը հայկական պետության վերականգնումը նկատի ուներ պատմական Հայաստանի ողջ տարածքի վրա, գտնելով,

⁴⁵ См. Н. Ф. Дубровин. История войны и владычества русских на Кавказе. Т. III, СПб., 1886, с. 94.

⁴⁶ Армяно-русские отношения. IV, с. 338—339.

⁴⁷ Նույն տեղում, էջ 320—321.

⁴⁸ См. ВУ, д. 6, № 9647.

որ Հայաստանի այն մասը, որը թուրքական տիրապետության տակ է, «իր բնական մասին պետք է միանա»⁴⁹։ Հայտնի է, որ Պոտյոմկինը տարված էր ոչ միայն հայկական, այլև մի շարք այլ թագավորությունների վերականգնման գաղափարով, ինչպես օրինակ, հունական, գաղիական, որը բխում էր «Արևելյան հարց» հայտնի ծրագրից՝ ենթադրելով Օսմանյան կայսրության տիրապետության տակ անցած երբեմնի հզոր պետությունների և ժողովուրդների վերականգնումը։ Կարծիք կա նաև, որ հայկական թագավորության վերականգնման պայմանների վերաբերյալ իր հայտնի դաշնագրում, որը ինչպես գիտենք մերժվեց ռուսական կառավարության կողմից, բայց որից հետո ևս Գ. Պոտյոմկինը շարունակում էր պաշտպանել Հայաստանի վերականգնման հարցը, Արղությանի Գ. Պոտյոմկինին համարում էր հայոց թագի հնարավոր թեկնածու⁵⁰։ Ինչ վերաբերում է արշավանքի իրականացմանը, ապա, շնայած այն մի քանի անգամ հետաձգվեց, բայց կարելի է ասել բավականին իրական էր թվում, եթե նկատի ունենանք այդ ուղղությամբ տարվող նախապատրաստական աշխատանքը և Գ. Պոտյոմկինի հրահանգներն ու ցուցումները, որոնք մանրամասն տեղ են գտել Ա. Ռ. Հովհաննիսյանի վերոհիշյալ աշխատության մեջ։

Պետք է կարծել, որ եղել են պահեր, երբ Ռուսաստանը նպատակահարմար է գտել ուժեղացնել իր դաշնակիցներին տարածաշրջանում։ Պատահական չէ, որ այդ գաղափարը կապված է ոչ միայն Գ. Պոտյոմկինի անվան հետ, որը իրոք հատուկ վերաբերմունք է ունեցել Հայաստանի և հայ ժողովրդի նկատմամբ, այլև Պետրոս I-ի, Եկատերինա II-ի, Ա. Բեդերբորգի, Պավել I-ի, որոնք պաշտպանում էին Ռուսաստանի հարավում որպես Իրանի և Թուրքիայի դեմ պատերազմի հայկական, վրացական և «ալբանական» պետությունների ստեղծման կամ Ռուսաստանի հովանավորությամբ և կայսեր գերագույն իշխանությամբ բարյացակամ իշխողների դաշնակցային պետության գոյության անհրաժեշտության գաղափարը⁵¹։

Ինչ վերաբերում է հայ ժողովրդին, ապա այդ ժամանակ հայ ազատագրական պայքարը անկում էր ապրում, և հայ ժողովրդի առջև նախ և առաջ ծառացել էր իր ֆիզիկական գոյության ապահովման խնդիրը։ Պատահական չէ, որ կաթողիկոսը, մելիքները և հայությունը ռուսական կառավարությանը դիմելիս նախ և առաջ և զլխավորապես խնդրում էին փրկել իրենց ոչնչացումից և ցանկություն էին հայտնում անցնել Ռուսաստանի տիրապետության տակ⁵², և ոչ թե շեշտը դնում էին թագավորության վերականգնման վրա, որը անշուշտ շատ ցանկալի էր յուրաքանչյուր հայի համար։ Պատահական չէ նաև այն, որ Արղությանը, որը հայկական թագավորության վերականգնման ջերմեռանդ կողմնակիցներից էր և ջանք չէր խնայում այդ ուղղությամբ, թերահավատորեն էր վերաբերվում դրա իրականացմանը։ Շահամիրյանին ուղղված նամակում նշելով, որ ինքը համաձայն է նաև ապագա Հայաստանում հանրապետական կարգեր հաստատելու վերաբերյալ Շահամիրյանի ծրագրին, Արղությանը գրում էր, որ գա անիրագործելի էր, քանի որ նախ՝ հայ ժողովրդի մեջ դեռևս չէին արմատավորվել նման գաղափարներ և բացի այդ, եթե Ռուսաստանը ազատագրեր հայ ժողովրդին, ապա «թագավորների օրենքի համաձայն իրեն էր ծառայեցնելու»⁵³։

Իրականության սթափ գնահատումը պասսիվության չէր դատապարտում Արղությանին, որը չհրաժարվելով հայկական պետությունը վերականգնված տեսնելու իր երազանքից և հասկանալով, որ ստեղծված պայմաններում միակ փրկությունը Ռուսաստանի տիրապետության տակ անցնելն էր, և գուցե

49 А. Р. Иоаннисян. Указ. соч., с. 281—282.

50 Նույն տեղում, էջ 49։

51 См. О. П. Маркова. Указ. соч., с. 188, 190, 294.

52 См. Армяно-русские отношения, IV, с. 225, 248, 271 և հտ.։

53 Նույն տեղում էջ 339։

կռահելով հայ ժողովրդի ճակատագրում վերջինիս վերապահված դերը, իր խնդիրն էր համարում վառ պահել Ռուսաստանի նկատմամբ հայրենակիցների տածած հույսերը. «Եվ եթէ վերստին շարժեսոնն զԲանս զայս բոտ յառաջագոյն տուեալ յուսոյն, ես ոչ կտտիմ ի յաշխատութենէ ե ոչ դադարիմ, յորդորեմ հայազունս, որոց տրժանն իցէ և վարակիմ աշխատել գրով ե բանիւ վասն երջանկութեան սրբի յազգին մերոյ»⁵⁴, գրում էր նա:

ВОПРОС ВОССТАНОВЛЕНИЯ АРМЯНСКОГО ЦАРСТВА В ДНЕВНИКАХ И ПИСЬМАХ ИОСИФА АРГУТЯНА

С. Г. ГУКАСЯН

Р е з ю м е

Дневники и письма И. Аргютяна являются уникальным источником по истории армяно-русских отношений 80—90-х годов XVIII столетия. В этих документах широко отражен и вопрос о восстановлении армянского государства. Заветная мечта армянского народа и деятелей армянского освободительного движения нашла поддержку влиятельного государственного деятеля России Г. А. Потемкина. Дневник Аргютяна — единственный источник, свидетельствующий о встречах И. Лазаряна и И. Аргютяна с Г. Потемкиным и А. Суворовым, в ходе которых обсуждался вопрос восстановления армянской государственности. Г. Потемкин неоднократно отдавал приказы и инструкции А. Суворову и П. Потемкину в подготовке похода российских войск в Армению. Несмотря на широкую подготовительную работу, этим планам не суждено было осуществиться, что не только горько разочаровало Аргютяна и карабахских меликов, но и резко ухудшило ситуацию в Карабахе. Аргютян, который являлся представителем и посредником меликов и араратских армян перед русским двором, был хорошо осведомлен о сложившейся ситуации и в своих письмах подробно осветил все события. Этот источник интересен и тем, что в нем ярко выражен тот факт, что несмотря на периодические отсрочки решения этого вопроса российским правительством, Аргютян и остальные деятели армянского освободительного движения, не видя другого пути, продолжали связывать свои надежды о помощи с Россией.